

Šta nudi program stipendiranja?

Ambasada Češke Republike (ČR) u Sarajevu nudi nekoliko programa stipendiranja na češkom ili engleskom jeziku. Iznos stipendije ovisi o konkretnom programu stipendiranja i obično je u visini koja pokriva osnovne troškove studenta (smještaj, hrana). Ambasada saraduje sa većim brojem institucija i moguće je dobiti stipendiju za većinu visokoškolskih smjerova. Nakon što pošaljete prijavu, a na osnovu Vašeg željenog smjera studiranja, identifikovat ćemo konkretne mogućnosti studija i stipendiranja.

UPOZORENJE:

u prvoj fazi prijave sve dokumente možete priložiti u formi OBIČNE FOTOKOPIJE.
Nije potrebna ovjera ili original.

Šta studirati u Češkoj, po kojim uslovima i na kojem jeziku?

Kandidat iz BiH može studirati na bilo kojem javnom ili državnom fakultetu ako ispunjava tražene uslove. Neki od fakulteta nude studiranje i na engleskom jeziku.

Studiranje na javnim i državnim fakultetima na češkom jeziku je besplatno!

Postoji više vrsta stipendiranja za studente iz BiH: stipendije Vlade Republike Češke na češkom i engleskom jeziku, studiranje u univerzitetskim centrima u Brnu, Olomoucu i Zlinu, kao i programi semestralne ili višesemestralne razmjene studenata. U toku su pregovori sa drugim partnerima tako da postoji mogućnost proširenja ponude. U slučaju da bude primljen, bh student ima isti status kao i češki student (tj. mogućnost stanovanja u studentskom domu, korištenje menze, jeftinija karta za gradski prevoz, itd.).

Studentski sistem u ČR je koncipiran tako da su troškovi studenta svedeni na minimum. Često je za početak dovoljno osnovno poznavanje jezika, a neki umjetnički fakulteti prethodno znanje jezika uopšte ne zahtijevaju. Češki jezik je moguće učiti na filozofskim fakultetima u Banja Luci i Sarajevu.

Studiranje na privatnim ustanovama za visoko obrazovanje se uglavnom plaća. Za više informacija o uslovima studiranja i polaganja prijemnog ispita na privatnim visokim školama, obratite se direktno konkretnoj instituciji.

(više informacija na www.mzv.cz/sarajevo)

Šta uraditi ukoliko sam zainteresovan(a) za stipendiju i studij u Češkoj?

Do 30. oktobra 2010. godine dostaviti e-mailom (czech.development@gmail.com) ili poštom (Ambasada ČR, Franjevačka 19, 71000 Sarajevo) sljedeću dokumentaciju:

1. formular zahtjeva – zahtjev je potrebno popuniti na engleskom jeziku (formular možete naći na stranici <http://www.mzv.cz/sarajevo>)
2. u zavisnosti od stepena za koji aplicirate i sljedeće dokumente:

za prijave za dodiplomski ili petogodišnji magistarski studij:

- kopija diplome o završenom srednjoškolskom obrazovanju;
- svjedočanstva svih završenih razreda.

za prijave za dvogodišnji magistarski studij:

- kopija diplome o završenom stepenu visokoškolskog obrazovanja (prvi stepen);
- spisak završenih ispita sa ocjenama.

za prijave za doktorski studij:

- kopije svih diploma (bachelor i magistar);
- spisak završenih ispita sa ocjenama;
- preporuka.

Ukoliko završavate srednju školu ili fakultet u akademskoj godini 2010/2011 umjesto kopije diplome o završenom srednjoškolskom obrazovanju ili diplome o završenom stepenu visokoškolskog obrazovanja dovoljno je

dostaviti uvjerenje o upisu u završnu godinu srednje škole (kopija svjedočanstva o završenom trećem razredu) ili fakulteta (kopija indeksa ili drugo uvjerenje).

Fakultativno možete priložiti drugu dokumentaciju na češkom, engleskom ili b/h/s jeziku (npr. preporuke profesora, dokazi o pohađanju jezičkih ili stručnih kurseva, rašireni životopis, vannastavne aktivnosti, itd. - odnosno bilo koji dokument koji smatrate relevantnim).

Ambasada Češke Republike će kontaktirati sve studente, koji pošalju potrebnu dokumentaciju u navedenom roku. Studentima će istovremeno biti date na raspolaganje detaljnije informacije o mogućnostima studija i stipendija u Češkoj Republici (zavisno od smjera).

Studiranje i bez stipendije - kome se obratiti za savjet?

Ukoliko ste zainteresovani za studiranje u ČR i bez stipendije (npr. specifični umjetnički smjerovi), a želite savjet kako pronaći odgovarajući smjer, fakultet, kako predati prijavu, gdje učiti češki jezik isl., možete potražiti odgovore na našoj internet stranici <http://www.mzv.cz/sarajevo> ili se obratiti Ambasadi ČR u Sarajevu telefonom na 033 447 525 ili emailom na (czech.development@gmail.com). Rado ćemo Vam pomoći.

Informacije o sistemu visokog obrazovanja u Češkoj Republici

U Češkoj postoji veliki broj registrovanih institucija visokog obrazovanja. Više od polovine su javni ili državni univerziteti, koji nude studij na više od 135 fakulteta. Ostale institucije imaju pravni status.

Standardni period studija su tri godine. Studenti stiču zvanje Bachelor - Bc. (ili prvi stepen visoke škole).

Standardni period studija prema magistarskom programu je 4-6 godina, a u slučaju da je vezan na prvi stepen traje 2-3 godine. Studenti stiču titulu: inženjer (Ing.), magistar (Mgr.), inženjer arhitekture (Ing.arch.), doktor medicine (MUDr.), stomatolog (MDDr.), doktor veterine (MVDr.), itd.

Standardni period studija doktorskog programa traje tri godine. Studenti stiču akademsku titulu doktor (PhD.) ili doktor teologije (ThD.).